



PAMFLET

693





HISTORIE

Balthazars Gerardt /

alias Serach / die den Tyran van t'Neder-
landt den Prince van Orangie doorschoten
heeft: ende is daerom duer grouwelijcke en-
de vele tormenten binnen de stadt van Delft
openbaerlijck ghedoodt.

NV MER. XXV.

*Siet ick gheue hem den vrede van myn verbondt, &c. Want hy
ialours gheweest is voor zynen Godt, ende heeft versoent
die boosheyt der kinderen van Israel.*

I. MACHAB. II.

*Ende hy heeft ialours gheweest voor die wet, ghelijck Phinees
ghedaen heeft Zamri den soon van Salomi.*



M. D. LXXXIIII.

693



HISTORIE VANDEN

Neerslach vanden Prince van Orangie, ende vande tormenten ende doot BALTHAZARS GERARDT die hem ter oorsaken van dyen binnen Delft aen ghedaen zijn.

IS warachtich/alsoo Cicero den Heydenschen Orateur int boeck der Officien ghetupcht / dat d'ouerhept ende heerschappij vanden genen die met geweld/bedroch/ ende oproericheyt eenige Prouincien oft Landen besitten/ niet gedurich en is. En dat alsulcke Princen/ die inden haet zijn vander ghemeynten / niet reghenstaende hunne schatten der rijckdommen/ ende oock hunne stercke en wackere gwarde / gemeenlijck oft door eenige listighe vonden/ oft d'ouervallen vander ghemeynten/ verslagen worden. Welck oock seer claerlijck den Heydenschen Doet ghetupcht / segghende :

*Tyrannige Princen die de landen oproerich maken,
Connen seldom sonder slach ter hellen gheraken.*

Uelue is nu onlancx noch kenlijcker geworden/in dese onse Nederlanden duer de naevolgende historie. Guil-
lamme van Nassouwe den Prince van Orangie genoet/
nae dat hy vā loffelijcker memorie den Keyser Caerl den
vijftien met veel eerlijcke tytels ende rijckdommen begift
was gheweest ; de welcke zijnen soon Philips onsen ge-
nadichsten Coninck van Spaengien niet vermindert/ia
grootelijck vermeerdert en verbeterd hadde/stellende hem
als Gouverneur ouer eenige prouincien van dese Neder-
landen ; heeft nochtans tot alle dese weldaden ondanc-
baer geweest/ ende hem geauanteert het Nederlandt met
wapenen inne te nemen ; daer wt sluytende onsen natuer-
lijcken ende geboren Prince / die hem verheuen ende int

a ij gouer-

gouuernement ghestelt hadde. Welck seyt hy indē eersten
aenslach niet veel apparente derselen van tyrānien mis-
bruycken/ende dpergelijcke redenen de simpele gemeyntē
heeft voorgehouden/als anders niet soeckende dan de ge-
meyne weluaert van ons Vaderlādt: Maer en heeft zijn
binnenste intentie ende meyninge niet lang verborghē con-
nen gehouden: als hy seer coets daer nae heeft begonnen
de heylige Kercke te vervolgen/ die tempels/ cloosters/ en
andere godtshuysen te vernielen/ die outaerē te onteeren/
die sacramēten te vertreden/ allen die inweelen te roouen/
die maechden des Heeren te schenden/ die catholijcke mās
en vrouwen wt hunne geruste woonplaetsen te veriagen/
te verdrizuen/ oft oock te vermoorden/ ende met afgrijsse-
lijke toymenten ter doot te brenghen. Welcke wreede ty-
rannijs / nae dat hy duer zijn volck ter grooter desolacien
der Catholijcken een wijle tijts hadde gebozderd: so heuet
den almogenden Heere belieft een eynde ende een slot te
maken van dit boos ende quaet opset; hem rechtueerde-
lijck slaende/ende in zijne sonden duer een onuersienlijcke
doot versmachende.

Tis kenlijck eenen pegelijck hoe dat ontrent ouer vier
taren Guillamme van Passouwe vanden Coninck van
Spaengien berooft is geweest van alle zijn autoziteyt en
machte die hem eertijts geiont was geweest; ende dat hy
als eenen vbandt vāde ruste en weluaert van onse landen
ghenallen was inden van van onsen alderghenadichsten
Coninck/so dat een pegelijck duer die openbaere sententie
vā bannissement machte gegeuen was te wesen eenē die-
naer vander iusticien/ en hem aen te castē aen lijf en goet.
Daer outbrack maer yemande die de selue sententie ter
executien ende te wercke stellen soude. Tis wel waer dat
ter te bozen noch twee auenturiers geweest zijn/ die selue
op verschepe plaetsen seytelijck bestaen hadden/maer en
hebben tot hunnen vermēte niet connen gheraken. Maer
nu ten

nb ten laetste/ so isser eenē ionckman van ontrint rxb. ia-
ren ghecomen / een Bourgoengnon ende sone van eenen
coopman/ geboren van een Bizanzoensche moeder in een
dorp genoeit Villanfain niet wijt van Leons/ wesende
doock wel geleert/welsprekende/ende in zijnen handel seer
actijf. Desen nae dat hy ouer enige iaren ende sonderling
nae den tijt van het bannissement ende proscriptione vooz-
schreuen / vooz hem genomen hadde de sententie des Co-
ninc r'executerē: heeft ten lesten wel gemoept ende bera-
den wesende int iaer ons Heeren xv. lxxxiij. op den thien-
sten dach der maent Julij / ontrint ten twee uren nae der
noene t'selue metter daet volbracht / ende doorszietende
den voozgenoemden opzoerigen Tyrā/ons Nederlandt
van zijne ketterische ende geweldige tyrannij bebrjdt en
verlost. Niet lange te voren soo hadde den vooznoemden
Guillamme/ siēde het geluckich voozspoet van onsen vic-
torieusen Gouverneur en Prince van Parme inder oorlo-
gen hier int Nederlandt te bueren/ende den goeden voort-
ganck die hy dagelijcx so in Brabant als in Vlaenderen
hebbende was; hem duer vrees wt Antwerpē naer Delft
vertrockē in Hollandt: want dat is wel geweest den meestē
lof die desen vromē Capiteyn Guillāme int bueren vāder
oorlogen gehadt heeft/geduerēde desen trouble/dat hy ge-
meelijck een borstgeschut aengetrocken heeft van ontrint
acht oft meer mijlen vāder plaetsen daer tperijckel vāder
oorlogen gelegen was. Tot Delft comēde so heeft hy vooz
zijn hof ingenomen het clooster van Sint Rechte: daer te
voren Rectoor ende Viechrvader was geweest den welge-
leerden Poet en weerdigen Heere Cornelius Busius. dē
welcken Guillāme van Nassouwe voozschreue/ouer som-
mige iaren/ oochlupckinghe doende / by den Heere van
Lymmay zinen adherent/seer oneerlijck ende met leelijc-
ke tormenten hadde laten hangen. Hier en tusschen is o-
uerledē in Franckrijck Allenson Franchots/ broeder des
a iij Coninc

Coninck van Brancckrijck / die onlanck te vozen binnen
Antwerpen van Guillamme voorszeyne ende zijne con-
iurateurs als hertoghe van Brabant ontfangen was ge-
weest / ende aleer dattet iaer van zijn contryck ghepasseert
was / aldaer met grooter schande en schade wederom wt-
ghedreuen. En als nu de moeder des voorszeynen Allen-
sons middelen socht om den voornoemden Guillamme
vande doot haers sons te verskeren / soo heeft die voorz-
sichticheyt Gods also geboecht dat desen Baltazar voorz-
seyne / die zijn reyse tot Hollandt wilde nemen / daertoe
geemployeert is geweest. Den welcken als ambassadeur
daer comende ten eynde voorszeynen / heeft een poose tijt
onder die Edelmans van Guil. van Nassouwe gerekent
geweest / daerentusschen soeckende een bequame oorsaeke
om te volbringen zijn heymelick opset / dat hy int hertte
langhe gedraghen hadde ; meer besocht wesende / oft het
seft van zijne hande soude mogen faelgeren / dan voorsz-
die tormenten die hem nakende waren : aengesien dat hy hem
seluen van te vozen in Gods handen voorsz-
de ghemeynte
ouergegeue hadde als een leuende en gewillige offerande.

Soo ist dan gebeurt opden x. Julij des selfs iaers / als
Guillamme van Nassouwe snoenens etende was metten
Vorgenmeester van Leenwarden / en Baltazar van te vo-
ren oloff aen hem genomē hadde om wederom na Brack-
rijck te keeren (so men meeden) so hadde Baltazar voorz-
seyne hem versien van een licht peert / welck hem bijn-
te der stadt was verwachtēde / oft hy zijn opset volbrachte
hebbēde / hy auontueren hadde comen oncomē. En heeft
also ontrint twee uren nae den noene wederom nae thoff
gekeert / tegen dat den Prince vader tafelen soude opstaen ;
en is vande schargeanten onder tdecksel als per nootclijck
vergeen hebbende / sonder wedersegginge toegelaten ge-
weest om den Prince aen te mogen spreken : en heeft hem
also met een pistolet onder zijne mantel met drij sentijnige
ende

ende geketende looten aen een gehecht geladen zijnde/aen die trappen vāder eetplaetsen verwacht: Als nu dā Guillamme voorsz. zēuē wter cameren quā/ gelijk Balthazar van te bozen eenē vzien toeganck tot hem hadde/ so heeft hy nu oock hem te gemoet gegaen/ende minckēde op zijn lincke zijde heeft zijn geladen pistolet gelost/ en duer zijnē mātēl getreft onder het lincke māmeken vanden Prince/ makende een wonde ontrint twee vingeren wijs. En het een loot vande drij is duer zijn lichaem gepasseert/ die andere twee zijn binnē bleuen/ passerēde duer zijn ingewāt/ ende selue seer epschelijck verscheurende. Den Prince is terstont nedergevallen ter aerden / ende niet langher dan den tijt van eenen Pater noster heeft hy zijne lippen een wepnich gerneret: also zijn opzuerich leuen met eene onsalighe doot besluptende.

De wachte gehoozt hebbende tgeluyt van het ontladē pistolet/ en oock tgecrijsch vanden genen die daer neffens waren siende oock den nederflach vā hunnen heere/ hebbē een groot geschal onder malcanderen gemaect/ ondersoekende en vragende na dē auteur van dit feyt. Daerentuschen so hadde onsen Balthazar duer eenen stal bijdē hof staende hem versien/ en was bijnae ontcomē/ loopende tot aende stadtpoortē toe / en meynde hem metten peerde buyten staende te salueren: en hadde gedaen een vāde pagien die hem den scheut hadde sien geuen; dē welckē hem achterhalēde/ en met hem eē wijle tijts woestelende/ d'oorlake was dat de andere schargeantē aencomende hem geuanghen en inden kercker gesloten hebben. En hy siende datter gheen hope meer en was om die doot te ontcomen/ heeft vooz al onuerbaesdelijck en koenichlijck ghevraecht oft Guillamme van Nassouwe doot was? Maer zy hebben hem al willens zijn doot verswēgen ende geloorchent/ als willende duer die onsekerheyt van het succes van zijn aengheslaghen septe zijne pijnen ende doot beswaeren.

Niet-

Niettemin Balthazar wel betrouwende dat hy niet te vergeefs zijn roer ontladen en hadde/ ende wel meynende oft dat hy nu doot was/ oft ommeers dat hy niet lange int leuen en soude bliuen/ heeft wel ghemoeyt zijnde tot hen/ lieden aldus gesept: Ick hebbe van te vozen my wel laten voorstaen dat ick de doot qualijk soude ontgaen; maer verblyde my seluen daer inne / dat ick nu seprelijck volbracht hebbe tgene dat ick ouer seuen iaren voor my ghe-nomen hadde te doen: ende ben daerom wel beraden die doot te steruen/ gemerckt dat de gene die te vozen in tselue sept ghefaelgeert hebben / de bitter doot oock niet ontco-men en zijn.

Daerna so hebben zy onsen Balthazar opde pijnbäck geworpen/ en hem wel ernstelijck inde tegenwoordicheyt vande Wet aldaer ondersocht ende gebracht oft hy duer eenighe beloften oft loonen vande Coninck van Spaen-gien oft pemanden anders/ iae naementlijck oock vande Graucappaerts oft Jesuiten opgemaect was/ om desen nederslach te doen. Daer op hy heeft papier en enckt ge-epscht/ ende met veel notoire en voor alle de werlt kenlijc-ke redenen ende motiuen int breet verclaert de gherech-ticheyt van zijn aengeslagen septe; daer by antwoorde dat hy noch aensocht zijnde/ noch van pemanden ter we-relt gehuert / dan alleen door t'getuygen van zijn eyghen consciencie beruert was/ om het Nederlant ende bysonder de Catholicke Religie vande tyranij van desen Prince also te verlossen: Ende waert by open datter niet gedaen en waer/ dat hy tselue noch doen soude/ inde wille daer hy noch inne was: hem wel latende voorstaen/ dat hem tselue inden hemel niet ongeloot en soude bliuen. Ende voorts aengaende zijn lichaem / dat nu in hunne handen was/ datse daer mede doen souden also hunnen raet dat soude bedraghen; segghende: Hier op was ick van te vozen al bedacht/ ende heb wel voorszien dat my sulcx soude mogen ouer-

ouercomen: Maer nu hebbe ick mijn deuot gedaen/ doet
ghelyeden nu dat v te doen staet. Verwijst my tot enighe
doot/ hoedaenighe die zy / met alderley verzierde tormen-
ten; ick en ben daer niet voor bevreest.

Dit hoorende ende siende de officiers ende dienaers der
boosheyt/ hebben hem den eerste nacht aende palen vijf-
maels ghehanghen/ ende tyzannelicken met roepen ghe-
geesselt; ende terstont daer nae alle zijne wonden met ho-
nich ouerstrecken / daertoe eenen bock leyde die met zijne
scherpe tonge al leckende zijn vel metten honich afschra-
ben soude. Maer gelijk de leeuwen het lichaem van Da-
nielem inden cyp / alsoo en heeft den bock dit verschuere
lichaem oock niet willen toetsen oft ghenaken. Na de-
se wreede gheesselinghe ende meer andere tormenten/ soo is
hy ten lesten den seluen nacht tsamen met handen en voe-
ten int rondt als eenen clood in eenen wanne ghelept ende
gebonden geweest/ op dat hem zinnen slaep daer deur be-
nomen soude worden. Ende voorts inde navorgende dri
nachten ende dagen/ nae veel schampere bespottingen/ so
hebbense hem anderwerf aende palen ghehangen / ende
zijne handen op zinnen rugge gebonden wesende/ met dri
hondert ponden ghewichts aen elcken grooten teen van
zijne voete seer grouwelyck een half ure geladen en gepij-
nicht. Welcke half ure also gepasseert zijnde/ hebben hem
een paer nieuwe schoenen van rouwe honts ley / wel ge-
smeyt/ ende twee vingheren roter zijnde dan zijn voeten
waren/ aengetrocken; ende also voor een groot vier mette
voeten gestelt. Ende so haest als dese schoenen den brandt
geboelde/ zijn de voeten mette schoenen geheel stomp ghe-
worden/ ende by maniere van een ronde figur in een ge-
crompen: De welcke zy naederhandt willende van zijne
voeten afrucken/ hebben seer afgrijselick het vleesch met-
ten velle half gebraden afgetrocken. Ende als die voeten
so geschendt waren/ hebben hem daerenbouen onder zijne
b oxelen

orelen met inbierige branden sammerlijcken ghebrande:
ende noch niet verlaepdt zijnde / hebben een hemde ghe-
steken in leuende water / en hem aengedaē / ende also met
ter blammen ontfteken : Daerenbouen oock met bernende
speck hem ouergietende / ende in zijne handen ende voeten
tusschen nagelen ende vleesch scherpe naelden ende nage-
len stijf insluitende. Waer zijn nu die oude Tyrannen en
vervolgers der Christenen ; Decius / Nero / Victionarius /
Julianus / met hunne consoorten ; datse tot Delft mocht-
ten comen / ende leeren aende wethouders aldaer / hoe zy
Gods dienaers ten hemel duer tyrannige tormenten be-
hooren te senden.

Niettemin in alle dese grouwelijcke pijnen en is onsen
Balthazar niet ontfelt gheweest / iae heeft de selue son-
der kruenen ende sonder eenich teecken van weedom met
een wonderlijcke patientie verdragen. Soo dat die wre-
de wethouders ende hangdicuen / daer duer tot meerder
wreedicheit verweckt zijnde / met oude stinckende pisse
hem hebben ouergoten / (gelijckmen leest dat de heplige
maget Lucia oock geschiedt is) Ende als oft hy met too-
uerne hadde omghegaen / ende duer onderstandt vanden
duyuel / alle pijnlijckheyt verwonnen / hebben hem aen-
ghedaen een duyel cleedt van eenen miserabelen mensche /
wt het gasthuys ghehaelt / om zijne toouerie daer mede
te verdriuen. Ende siende dat dese hunne nieuwe inuen-
tien ende vonden nochtrans niet en hielpen / soo hebben
zy hem ghevraecht ; wat hy al pepsde ter willen dat hy
aldus ghepynicht worde ? Ende heeft aldus gheant-
woordt : Och goede Heere / verleent my de gratie ende
gaue van een volherdighe patientie . Noch vraechde zy /
hoe dat hy in alle dese tormenten niet meer beweecht oft
ontfelt en worde ? Daer op antwoordende heeft gheseyt :
Die ghebeden der goeder menschen / zijn my hier inne
behelpich. Seyde oock totten Borghemeester die hem in
zijne

zijne verduchtheit verwonderde; Als ick steruen sal dan suldy noch claerlijcker mijn stercke volherdicheyt gewaer worden.

Tusschen beyde / als hy somtijts eenich respijt hadde vande tormenten / soo waren zijn oogen ten hemelwaerts opgheslaghen / ende was by zy seluen die seuen Psalmen ende litanien lesende. Ende so wanneer hem yemant aansprak / dien gaff hy met een vrymoedich hertte vriendelijcke tale ende antwoorde; alsoo dat die hangdieuen selue grootelijck hen verwonderde in zijn blijmoedich ende vrolijk aensicht: ende die omstaenders / eensdeels met weenende ooghen dit wreede spectakel aensaghen; onder de welcke daer eenighe seiden / onmogelijck te wesen dat hy mensche soude zijn: die andere benijdende hem zijne saechtmoedicheyt / ende op hunne tanden bijtende / hebben hem ghevraecht / hoe langhe dattet gheleden was / dat hy den dupuel zijn ziele ouerghegheuen hadde. Hier op antwoorde Balthazar met een sonderlinge huelscheyt / dat hy gheen kennisse oft aliancie en hadde metten dupuel / noch eenighen handele. Insghelycx oock / alse hem noemden te wesen eenen verrader / moorder / zijns vaders moorder / oft dyergelijcke vileyne toenamen gauen / heeft simpelijck sulcx gheloochent / oft als onghemerckt ende niet weert zijnde daer op antwoorde te gheuen / met neergheslaghen ooghen laeten voorsz gaen. Behaluen nochtans dat hy den Officiers alstijt huelsche antwoorde ghegheuen heeft; hen oock bedanckende van het goet traetement dat hem inden kercker gheschieden / ende belouende selue alst hem mogelijck soude wesen te verghelden. Ghevraecht zijnde / met wat loon oft vergheldinghe? heeft gheantwoorde; met bidden voorsz v lieden int paradijs. Ende anderwerf ghevraecht / in welck paradijs? heeft gheseyt; dat hy gheen ander dan een paradijs en kende.

b ij Aldus

Aldus dan met veel tormenten/spotternijen/en ijdele
questien ondersocht ende gepijnicht zijnde/ als hy niet en
antwoorde dat henlieden behaechden; hebben hem den
derthiensten dach der maent Julij voorsz. zijn aenstaende
doot vercondicht: ende des anderen daechs gehoozt heb-
bende zijn vonnisse ende sententie des doots/ heeft met een
minnelijck woort/ghelijck sinte Eppriaen/ gheantwoort/
Deo gratias: Dat is te segghen/ Godt de Heer zy gheloeft.
Als nu die sententie wtghesproken was/so is onsen Bal-
thazar duer eē kerstelijcke en vrome sterckheyt en saecht-
moedicheyt/onuerbaest/ende met een vrolijck aensicht/en
vriendelijck opsien; maer in zijne voeten seer weeck ende
cranck; die nu so depzlijck gecrompen/geswollen/ gebza-
den/ gebilt/ ende met naeldē ende nagelen vernagelt wa-
ren; in zijn lichaem oock seer iammerlijcken mismaeckt;
rot opt schauot geleydt; ende heeft hem aldaer aen eenen
staeck late binden/ al euen volstandich blijuende; ende en
heeft oock inde tegenwoordicheyt van alle die aenstaēde
tormenten ende grouwelijcke doot/niet een littecken van
verbaestheyt oft vzeese getoont; daer nochtans de sommi-
ge/ alleen dooz het aensien vande selue tormenten/ter aer-
denwaerts beswijcten ende in onmacht vielen.

Maer desen vromen Balthazar/ ghelijck hy alle zijne
voorzede pijnen geleden/en de sententie des doots ontfan-
ghen hadde met eenen onuerwonnen moet en sterckheyt;
also was hy nu oock ten aensien van alle de gemeynte vā
Delft wel ghemoeyt om d'executie en tslot van dese zijne
Tragedie te verwachten/ ende met volherdicheyt te bouē
te comen: ende deur tbergieten van zijn bloet eenen eewi-
ghen loon aenden Heere te verdienen. En als hy nu aen-
den staeck stondt gebondē/so hebben die buelen oft hang-
dieuen het arme onnosel ende ontschuldich pistolet geno-
men/ daer hy zijn vroom feyt mede volbracht hadde/ende
tselue ten aensien vā hem op een aenbeelt der smissen met
groote

groote ijfere hameren en̄ met groote forſe ontſtucken ge-
ſlaghen. Daerna hebbenſe hen wederom gekeert tot on-
ſen Balthazar/ nu al geheel int gebedt ende tot Godt op-
getogen weſende: en̄ hebben hem voór al zijn wambeyſ
wtghetrockē/ zijn couſſen tot op zijne voeten doen neder-
ſincken / ende zijn hemde tuſſchen zijn beenen gebonden.
Doen heeft den eenen van die buelen zijn rechte hant ge-
nomen/ ende heeft die tuſſchen twee gloepende ijfere pla-
ten/hebbende de forſe van een wafeliſer/twelck den an-
deren buel in zijn handen hadde/ghelſteken/ende alſo ver-
pletſt ende verbrādt/dat de merckt vol roocr ende ſtanc
daer deur geworden is. Dit gedaen zijnde/zijn de andere
buelen gecomen met ijfere ende gloepende trecktanghen/
zijne borſten ende vleech wt zijn zijde/armen en̄ open wt-
treckende: ter wijlen dat hy anders niet dan met bidden
alleen berōmert en was/alſo datmē hem claerlijck mocht
verſtaē leſende de ſeven Psalmen van David: en̄ dat ſon-
der zijn aenſicht eens te verſettē/oft handen oft voetē eens
te vertreckē: Behaluen dat hy met zijne ſtōpe verbrānde
rechtelhādt hem ſelue met groote reuerentie met het teekē
des h. crups drijmaels gewapent ende geteeckent heeft.

Daerna ontbonden weſende/ heeft zijne couſſens met
zijn voeten van hem geſtooten/en̄ is te voete gegaen ſo hy
beſt mochte na de bancke die daertoe bereet was om hem
te vierendeelen/en̄ open te ſnijden: en̄ heeft willichlijck/ſo
vele hem mogelijk was/ zijn voetē opgeheuen op de bāc-
ke om te gaen liggē. Daer op gebonden zijnde/hebbē hem
eerſtmael zijn manlijchept afgelſneden:en̄ terſtont daerna
zijne borſte en̄ den buick crupſgewijs opelſnijdende/ heb-
ben zijn inghewant mettet hert (als oft den verloſſer van
ons Vaderlant verraders wercken gedaē hadde) wt zijn
lijf wtgerickt/ en̄ in zijn aenſicht gewoꝝpē: ter wijlen dat
hy alnoch zijn lippen int gebedt was ruerende: Wāt als
oft hy zinnen mont en̄ vops alleen totter deucht / en̄ om te
b iij bidden

bidden van Godt ontfangen hadde/also en heeft hy noyt
geclaecht of verſucht; maer al euen vroom en volherdich
blijnende / ſonder zijn aenſicht eens te verſette/heeft op dē
xiiij.dach Julij des iaers voorsz. op dē noen/ zijnen onuer-
winnelijcken gheest ende ziele/ als een ſalige ende leuende
offerande / Godt de Heere zijnen ſchepper opgheoffert.

Ende de hangdieuen booz tleſten datſe hem conſten aen-
doen/ hebbē zijn hooft afgeſneden van tlichaem/ en tſelue
op eenē ſtaeck byde beſten vāder ſtadt geſtelt; het welcke
daer geſtelt zijnde/ veel ſchoonder en minlijcker om ſien is
geweeſt/ dan te voren. Zijn lichaem hebbenſe gequartiert
ende aende vier poortē der ſeluer ſtadt van Welſt aen vier
galgen gehangen. Een vzeemde en vzeede maniere van
tyranniſen; maer noch veel vzeemder ende onghhehoorder
ſterckheyt int verdragen van alſulcke eyſchelijcke grou-
welijcke/ende onghheoorde toymenten ende doot.

Refereyn ter eeren des voorsz. Balthazars.

LOFF BALTHAZAR Geerarts/die door Gods prouidentie
ſConincks ſententie // hebt gheexecuteert/
Ouer den Tyrā Orange/ boos van inuentie/
Wpens peſtilentie // in BELGIS noch regneert:
Als eenen draeck heeft hy theel lant gheinfecteert/
Gods volck gheperſequeert // noyt herder noten:
Maer als Sint IORIS hebt ghy ons ghedefendeert/
Wt liefden ghemoueert // den draeck doorſchoten.

Valerius Als Coninck CODRVS geern v bloet vergoten/
Daer peys quam wtgeſproten // ſo hy was te binnen:
Hierom heeft v oock geenē arbeit verdrōten/
En hebt vaſt gheſloten // dit werck te beginnen:

Nr. 25. Als een ander PHINEES / wt jalouſie minnen/
Dies elck moet bekinnen // ſpijt het ketters geſpuy:
Loſt Blijſchap en glorie/ van t Bourgoniſche huyſ.

Als

Als AOD hebt ghy een broom seyt ghewrocht /
 Die Eglon ghiften brocht // nae zijn fantazije:
 Den seluen Coninck heeft hy ter doot besocht/
 Die Israel noyt vermocht // vol van enbije.
 In zijn somer eet-camer was hy niet vrie/
 Als een vette prijs // heeft hem AOD doorsteken:
 Achthien iaren hiel hy Israel in slavernije/
 Ghelijck ons partije // vol duuelse treken.
 By DAVID moegdy oock wel zijn gheleken/
 Die nae schryftuers spreken // Goliath bracht ter doot.
 Ghelijck SAMSON hebby Godts leet gaen wreken/
 Godts cracht onbeswiken // bleef v hy ter noot:
 Al hebby met hem ghestort v bloet seer root/
 In Abrahams schoot // quamt ghy door dit crups:
 Loff Blyschap en glozie / van t Bourgonsche hups.

Judi. 3.

1. Re. 17

Judi. 16.

Den verloochenden Catholijck hebby niet ghelspaert/
 MATHATHIAS aert // rhoonde ghy midts desen.
 Den vos Herodes / die met fortle Heer wert verclaert/
 Heeft nu zijn deel ghepaert // daer hy blijft verwesen:
 Bouen MARCVS CVRTIVS zijdy weert gheprezen/
 Die Roomen heeft ghenesen // als Ridder vaillant/
 Springhende inden put des doots / so wy lesen/
 Waer door is gheresen // ghesontheyt telcker cant.
 Als CAIVS MVTIVS men v volstandich vant/
 Af-brandende sijn hant // die Porlena hadde ghemist:
 Segghende / noch drii hondert isser van sulck verstant/
 Dies Porlena sant // en heeft nae Peps ghevist:
 Maer ghy BALTAZAR hebt den rechten man betrist/
 So ghy te vozen wist // die t Gheloof bracht tot grups:
 Loff Blyschap en glozie / van t Bourgonsche hups.

1. Ma. 2

Luc. 18.

Iero.

PRINCE.

2. Para. 13. **I**eroboam eerghierich van herten obstinaet/
 Vercocht om te doen quaet // in dese Landen:
 Die heel **BEIGIS** heeft doen sondighen vroech en laet/
 Binnen vol van haet // het Hooft der vyanden
 Heeft Godt gheslaghen door **BALTAZARS** handen/
 Tot zijnder schanden // en een eewich verwijt.
1. Mac. 1. 6. **A**ntiochus dede niet dan moorden en branden/
 Roouen dierbaer panden // tot Godts eere ghewijt.
 De Wortel van boosheyt in onsen tijt
 Is bleuen inden strijt // door Gods ghehinghen:
- Exo. 14. **D**en versteenden Pharao zijn wy nu quit/
 Hy blijft ghecastijt // die Gods volck wou dwinghen.
- Exo. 15. **D**us laet ons met **MOYSES** eenen loffsanck singhen/
 Segghen onderlinghen // met een accoor ghedrups/
 Loff Blyschap en glozie / van t Bourgonsche huys.

Selft mint Godt gracie Die v tot **DELFT** is gheschiedt/
 Want Die zijn pont had gedoluey behiel int leste mint.

